



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 17. Bulla de Bello sacro.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.
A.C 1213.

ftiani, similia Dominis suis obsequia præstantes, eadem mansuetudine, qua Saraceni in captivitate Christianorum, haberi. Tum præcepit Papa Patriarchæ, omnibus viribus conaretur, Equites Templi & Hospitii, Reges Principesque permovere, ut tam pio operi incumbèrent, ac libertatem captis Christianis vel permutatione vel quacunque alia via impetrarent. Ambæ Epistolæ mensis Januarii anno millesimo ducentesimo duodecimo datæ sunt.

§. XVII.

Bulla de Bello sacro.

Innocentius Papa Roma digressus, mensis Junii, anno millesimo ducentesimo decimo tertio, Viterbium petiit, ubi Bullam generalem de Bello sacro promulgavit, in hunc ferme modum:

16. ep. 28.

Quandoquidem Christianos, in Terra sancta degentes, nunquam alias ac bodie graviores presserunt angustia, nec unquam major spes victoriae nobis affulsit, clamores nostros repetimus. Eja Christiani! accingimini ad sanctum hoc bellum non solum Jesu Christi, sed etiam Fratrum vestrorum in captivitate & vinculis inter Infideles gementium amore Speramus, Mahometis potentiam breviter esse conterendam, cum sit illa Bestia Apocalypica, de qua legimus: & numerus

Apoc. 13. 18.

Sæcul. XIII.
A.C. 1213.

ius sexcenti sexaginta sex. Namque, ex quo grassatur, jam anni pæne sexcenti transacti sunt. Saraceni nuper in monte Thabor arcem extruxerunt munitissimam, unde Acriam urbem, non procul positam, ac brevi tempore ceteras omnes, quas in Terra sancta tenemus, expugnari posse existimant. Ergo, Fratres mei, discordiam & ambitionem fugite, unanimi consensu Jesu Christo servite. Quicumque pro hoc Nomine ipsi & suis suntibus militabunt, plenam remissionem omnium peccatorum suorum, quæ conjuncta vera contritione confessi fuerint, obtinebunt. Qui militibus ex suis opibus stipendia numerabunt, aut, mercede conducti, ipsi militabunt, eandem lucrabuntur Indulgentiam, & qui aliquid ex facultatibus suis contulerint, pro auxilii modo congruam Indulgentiæ partem accipiant. Personæ & Bona Crucigerorum tamdiu præsidio S. Sedis gaudeant, donec eos vel rediisse vel mortuos esse constet. Ab onere solvendi usuras, etiam juramento, etiam Judæis promissas, liberantur. Omnes Præsules & Viri Ecclesiastici, cives, & ruricolæ excitentur, ut tantum, quantum valent, sacrorum armorum numerum mittant, ipsorum stipendiis triennio militaturos. Principes & Optimates, qui proficisci non poterunt, alios substituunt. Urbes mari-

T 3

timæ

Sæcul. XIII. *timæ naves migraturis dabunt. Quæ ab*
A.C. 1213. *aliis exigimus, nos quoque pro viribus*
nostris facturi sumus.

Clericis, huic Expeditioni necessariis, licentiam damus, qua census Beneficiorum suorum ad triennium aliis locent. Quia vero incommodum valde accideret, illos ad examen vocare, qui votum editum per se ipsos implere possunt, quibuscunque potestatem facimus, acceptæ Cruce, proficiscendi, solis Regularibus exceptis, ita tamen, ut Votum, si necessitas postulaverit, nostra auctoritate commutari, redimi, aut differri possit. Eadem de causa abrogamus Indulgentias, illis hucusque concessas, qui in Hispaniam contra Mauros, aut in Provinciam contra Hæreticos, movent, quod præcipue illis ad tempus, quod modo præterit, bis autem in causa, quæ maximam partem cessavit, fuerint collatæ. Sed ipsos Provinciales & Hispanos impostorum etiam hujus Indulgentiæ privilegio gaudere volumus. Prædones maritimos seu Piratas, quod expeditioni in Palestinam plurimum noceant, euntes vel redeuntes capiant aut spolient, cum omnibus suis fautoribus excommunicamus, omnibus sub pœna ejusdem Censuræ prohibemus, ne eos quocunque demum commercio genere juvent, & urbium Magistratibus præcipimus, ut eos coerceant;

nisi Censuris Ecclesiasticis contra ipsos ac ipsorum ditiones adhiberi velint. Sententiam excommunicationis quoque confirmamus, in Concilio Lateranensi contra illos denunciata, qui ad Saracenos arma, ferrum, ligna trivemibus construendis apta, deferunt, aut eis Navarchi operam præstant. Tandem Papa supplicationes solemnes singulis mensibus & preces singulis diebus pro felici sacre expeditionis eventu fieri jubet, & in Ecclesiis arculas statui, in quas oblationes, piissimo operi promovendo destinata, immittantur.

Hæc Bulla in omnes provincias Ecclesiasticas Germaniæ, Sueciæ, Daniæ, Bohemiæ, & Hungariæ, Angliæ, Scotiæ, & Hiberniæ, Franciæ & Italiæ sparsa est. In quolibet Archiepiscopatu ad delectos 16. ep. 29. a Papa Mandatarios directæ est, qui eam per totam provinciam deferrent, ac bellum sacrum prædicarent, quibus a Pontifice vetitum, ne quidquam a Fidelibus præter necessaria vitæ subsidia acciperent, & nullus plus quam equos sex, totidemque viæ comites, circumduceret. Jubet Papa; ut ea modestia & pietate injuncta sibi mandata exequantur, qua pulcherrimum omnibus præbeant exemplum, oblata a Fidelibus, sacro bello impendenda, in aliqua Virorum Religiosorum domo deponant, & sibi sub fi-

Sæcul. XIII.
A. C. 1213. nem anni omnium illorum, quæ per-
cissent, rationem reddant. In non nul-
lis Provinciis Papa hanc curam ipsis
Archiepiscopis, aut quibusdam Episcopis
commisit, atque in Francia Cardinali
Roberto Curzonensi, qui jam anno supe-
riore, cum potestate Legati, ibi commo-
rabatur. Ei licentia singularis data fue-
rat, qua se, ex Cathedra professionem
sacram prædicantem, auscultantibus
quandam Indulgentiam impertiretur,
& de ludis Equestribus illud decerneret,
quod expeditioni in Palæstinam utilis-
simum videretur. Nempe satis explo-
ratum erat, ista Nobilium virorum ob-
lectamenta simpliciter tolli non posse.

§. XVIII.

*Epistolæ Pontificis in Orientem
datæ.*

16. ep. 36.

Papa de Bello sacro soli Alberto Patriar-
chæ Latino Hierosolymitano scri-
bens, *eo majore letitia ista percipiet,*
inquit, quo vehementiore desiderio, ut
contingerent, exoptabas. Ne vero quo-
rumdam Terræ sanctæ incolarum mo-
res deterrimi piorum votis obstant, &
Dei vindictam in omnes provocent, ob-
testamur te! nullam viam relinque in-
tentatam, qua mortiferas eorum plagas
sanes, & obstinatos ad veram peniten-
tiam